

ԳՐԱԽՈՍՈՒԹՅՈՒՆ ԵՎ ՔՆՆԻԱԴԱՏՈՒԹՅՈՒՆ

Ղ. Բ. ՎԱՐԴԱՊԵՏՅԱՆ, ՍՐՏԱՑՈՒՄԱՆ ՄԱՐԲՍ-ԼԵՆԻՆՅԱՆ ԹԵՈՐԻԱՅԻ
ՀԱՐՑԵՐԸ

Հայպետհրատ, 1958 թ.

Հայպետհրատը 1958 թվականին լույս է ընծայել դոցենտ Ղազար Վարդապետյանի «Արտացոլման մարքս-լենինյան թեորիայի հարցերը» գիրքը:

Դիրքն իր բովանդակությամբ և շարադրանքի ձևով կարող է հավակնել օրիգինալության: Նա հենց այդպիսին է:

Բաժինները դասավորված են հետևյալ կարգով.

1) Արտացոլման մարդկային կարողության առաջացումը. 2) իմացության դիալեկտիկական պրոցեսը (զգայություն, ընկալում և մտապատկեր), 3) իմացության դիալեկտիկական պրոցեսը (հասկացություններ). 4) նյութական աշխարհի զարգացման օրինաչափությունները. 5) բացարձակ և հարաբերական ճշմարտություն. 6) պրակտիկական որպես ճշմարտության շափանիշ:

Առաջին բաժինը սկսվում է այն ճիշտ պնդումով, որ հետաքրքրությունը դեպի շրջապատի աշխարհը հոգու ինչ-որ ներքին պահանջ չի եղել, այլ թելադրվել է հասարակական մարդու նյութական կյանքի անհետաձգելի պրակտիկ պահանջներով:

Հետագա շարադրանքը ենթարկված է այդ ընդհանուր դրույթի բովանդակության բացահայտմանը: Ընդ սմին հեղինակը վերլուծում է մատերիայի և գիտակցության հարաբերության պրոբլեմը, աշխատելով քննադատաբար ցույց տալ դրա պատմությունը: Այստեղ նա առանձնացնում է 'իգրոյի կոահումը, որ ժամանակին բարձր է գնահատել և գիտության նոր տվյալների հիմքի վրա բացահայտել ու զարգացրել է Վ. Ի. Լենինը «Մատերիալիզմ և էմպիրիոկրիտիցիզմ» աշխատության մեջ: Լենինի միտքն այն է, որ ամբողջ մատերիային հատուկ է զգայության նման հատկություն, արտացոլման հատկություն, որ «պարզ արտահայտված ձևի մեջ զգայությունը կապված է միայն մատերիայի բարձր ձևերի հետ (օրգանական մատերիան)»: Ղ. Վարդապետյանն աշխատում է ցույց տալ անկեղան նյութից կենդանի-նյութի առաջացման պրոբլեմի լենինյան գիտական լուծման էությունը: Այնուհետև հեղինակը քննության է առնում կյանքի առաջացումն ու զարգացումը, դիմում է սովետական գիտության տվյալներին, մասնավորապես Ա. Ի. Օպարինի աշխատություններին: Գրքում շարադրվում է մարքսիստական այն դրույթը, որ մարդը երևան է եկել աշխատանքի շնորհիվ, և հենց այդ պրոցեսում էլ ձևավորվել են նրա բոլոր հոգեկան ընդունակությունները: Եթե կենդանին, ասված է գրքում, արտադրում է միակողմանիորեն (իբրև իբրև ձագերի համար ամենաանհրաժեշտը), ապա մարդը արտադրում է ունիվերսալ կերպով: Եվ նյութական արտադրության այդ ակտիվությունը մարդու հոգեկան ակտիվության հիմք է ծառայում (տես էջ 30): Այդ ակտիվությունը, ինչպես ճիշտ նկատում է հեղինակը, նյութական արտադրության վրա իր ունեցած հակադարձ ներգործությամբ բարձրացնում է մարդու ճանա-

շողական ուժեր: Այդ կապակցությամբ նա քննադատում է բնախույզ Կուպենին, զոռհոգեբան Քյուլերին այն բանի համար, որ առաջինը տերմիտներին բարձր է դասում մարդուց, իսկ երկրորդը տարբերություն չի տեսնում մարդու և կապկի միջև: Ընդամին հեղինակը դիմում է պատվության ֆիզիոլոգիայի տվյալներին, ընդգծելով կենդանու և մարդու նմանությունը (առաջին ազդանշանային սխեման), և՛ տարբերությունը (երկրորդ ազդանշանային սխեման): Մարդու արմատական առանձնահատկությունը բնորոշվում է նրանով, որ նա արտադրության գործիք արտադրող հասարակական կենդանի է:

Երկրորդ բաժնում խոսվում է զգայական ճանաչողության մասին: Այն սկսվում է զգայություններից՝ մարդու կողմից օբյեկտիվ աշխարհի ճանաչման միակ աղբյուրից: Այդ հարցը բացատրելով, հեղինակը հենվում է զգայական օրգանների մեխանիզմի բնագավառում Ի. Պ. Պավլովի դպրոցի նվաճումների վրա: Արդյոք կարող էին ավելի մեծ թվով զգայական օրգաններ լինել: Այդ հարցը դնելով, հեղինակը քննադատում է սկեպտիցիզմը, ագնոստիցիզմը: Նա քննադատում է և՛ ռացիոնալիզմը, որը ինտելեկտը համարում էր զգայական օրգաններից իբրև ին անկախ գոյություն ունեցող մի վեցերորդ զգայարան, և՛ էմպիրիզմը, որը սահմանափակվում է լոկ արտացոլման օբյեկտիվությունը ընդունելով, բայց չի տեսնում այդ արտացոլման հասարակական պատմական բնույթը:

Պրոբլեմի պատմության որոշ քննադատական ակնարկից հետո հեղինակը բերում է զգայության՝ որպես օբյեկտիվ աշխարհի սուբյեկտիվ պատկերի լեռնայան կլասիկ սահմանումը և էլեմենտների մախիստական թեորիայի նրա քննադատությունը: Խոսվում է նաև նյութականի և հոգեկանի հակադրության հարաբերականության մասին, քանի որ դրա բացարձակությունը պահպանվում է միայն փիլիսոփայության հիմնական հարցի շրջանակներում: Վերջին հարցը կապվում է Դիցգենի կողմից իդեալիզմի անզգույշ քննադատության հետ, որտեղ նա հոգին չի տարբերում սեղանից, շեղվելով դեպի փուլգար մատերիալիզմ: Հեղինակը ճիշտ է մեկնաբանում Լենինի այն միտքը, որ և՛ մատերիայի, և՛ իդեալի ռեալ գոյության ընդունումը իրավունք չի տալիս իդեան համարել նյութական, այլապես կխախտվի արտացոլման թեորիայի ամեն մի գիտական հիմք (տես էջ 54): Հեղինակն ընդգծում է Լենինի մտքերն այն մասին, որ զգայությունն ունի իր պատմությունը: Պարզվեց, որ այդ պատմությունը չեն հասկացել հին մատերիալիստները: Մարքսը նկատի ունենալով զգայության կազմվելու պատմությունը, ցույց է տալիս, որ զգայությունները մարդկային են դարձել և՛ սուբյեկտիվորեն, և՛ օբյեկտիվորեն, որովհետև մարդն իրեն ընկալում է ակտիվորեն, գործնականում: Հենց այստեղ էլ հեղինակը ցույց է տալիս, թե ինչպես Մարքսը բացահայտել և ցույց է տվել Ֆոյերբախի հայեցողականությունը: Ճիշտ է ասում հեղինակը, որ մտածողությանը նախորդում և ուղեկցում է զգայությունը: Դեռևս Գերցենն էր մատնանշում, որ որքան միտքը ավելի հեռանա կյանքից, այնքան ավելի անհարկավոր կդառնա:

Հեղինակը վերաբերվում է նաև այն հարցը, որ զգայությունը արտաքին աշխարհի հետ գիտակցության անմիջական կապն է, որ գիտակցության կենտրոնը ուղեղն է, որն իր հերթին հանդիսանում է մատերիայի կալվածակերպման բարձրագույն ձևը:

Ընկալմանը դրքում բիշ էջեր են նվիրված (էջ 65—67): Այստեղ մատնանշվում է զգայության և ընկալման կապը: Մեր հեղինակը, ինչպես և ուրիշ

շատերը, գտնում է, որ ընկալումը զգայությունների ընդհանրացումն է, առարկայի, երևույթի ամբողջական պատկերը: Մեզ թվում է, որ զգայության և ընկալման փոխհարաբերության հարցում հստակ և ճիշտ պատկերացում չկա պրախոսվող գրքում:

Անցնելով պատկերացման հարցին, մենք չենք կարող համաձայնել հեղինակի այն կարծիքին, թե պատկերացումը հանդիսանում է միջին օղակը զգայականի և տրամաբանականի միջև (տես էջ 67): Պատկերացումը միջին օղակ չէ, այլ զգայական ճանաչողության բարձր աստիճանը, որը նախապատրաստում է անցումը դեպի տրամաբանականը: Զգայականի և տրամաբանականի միասնությունը իմացության պրոցեսում հնարավոր է միայն հասարակական պրակտիկայի հիմքի վրա, պրակտիկա, որն էլ հենց ճանաչողության պրոցեսում որոշում է այն, թե ինչ է հարկավոր մարդուն (Լենին): Իրավացի է հեղինակը, երբ ասում է, թե մտքի ակտիվությունը որոշվում է պրակտիկայի հետ նրա ունեցած կապով: Նա քննադատում է մտքի ակտիվության իդեալիստական մեկնաբանությունը, ինչպես և քննադատության է ենթարկում պրագմատիզմը, ցույց տալով նրա ռեալիզմի բնույթը:

Երբեք բաժինը սկսվում է Մարքսի ցուցումով դիալեկտիկական կոնկրետի մասին: Ըստ Մարքսի՝ կոնկրետը հանդիսանում է բազմապիսության միասնություն, ճանաչված կոնկրետ, և ոչ ելակետային, թեև այդ միասնությունը հենց ելակետային է, ճիշտ է, միայն որպես զգայական-կոնկրետ: Ցույց է տրված Մարքսի կողմից Հեգելի քննադատությունը այն բանի համար, որ նա, Հեգելը իրականը համարում էր մտածողության արդյունք: Այնուհետև հեղինակը զգայականը կապում է տեսական մտածողության հետ, ցույց տալով, որ մտածողության հիմնական ձևերից մեկը հանդիսանում է հասկացությունը, որի կազմավորումը իրերի, երևույթների նորանոր կապերի բացահայտումն է (տես էջ 83): Մեծ ուշադրություն է նվիրված հասկացությունների դերին օբյեկտիվ աշխարհի ճանաչման գործում: Ամենահասարակ ընդհանրացումը, հասկացությունների առաջին գոյացումը նշանակում է աշխարհի ավելի խորը իմացում, իսկ ընդհանուր հասկացությունների անվերջ դումարը տալիս է կոնկրետություն իր լրիվության մեջ: Լենինի այս մտքերը պատշաճ տեղ են գտել ընդհանուր հասկացությունների նշանակության այն մեկնաբանման մեջ, որ տալիս է հեղինակը: Այստեղ նա քննադատում է սեմանտիկներին, որոնք ելնում են ընդհանուր հասկացությունների նկատմամբ նոմինալիստական ըմբռնումից և գործը պատկերում են այնպես, թե իբրև ընդհանուր հասկացություններ վնասակար են, դրանք շարիքների աղբյուր են, ուստի՝ եթե «շահագործում», «կապիտալ», «մոնոպոլիաներ» և այլ հասկացություններ վերացվեն, կհաստատվի մարդկանց փոխըմբռնում և սոցիալական ներդաշնակություն: Սեմանտիկները ժխտում են օբյեկտիվ օրինաչափությունը, օբյեկտիվ ճշմարտությունը, ժխտում են ընդհանուր հասկացությունների գերն ու նշանակությունը իմացության մեջ: Ըիշտ է վարվում հեղինակը, քննադատելով Զ. Ղյուրիին՝ հասկացությունների նշանակության նրա ժխտման համար:

Հետևելով Լենինի ուղենիշ մտքերին, Ղ. Վարդապետյանն աշխատում է բացահայտել իմացության պրոցեսի դիալեկտիկական բնույթը: Արտացոլման պրոցեսը հարաբերականորեն ճիշտ է արտացոլում իրականությունը ի հակադրություն «մերկ ռեյատիվիզմի», որը ժխտում է օբյեկտիվ ճշմարտությունը: Այս կապակցությամբ խոսվում է կատեգորիաների նշանակության մասին և այս

մասին, թե ինչպես են նրանք կազմավորվում: Հեղինակի եզրակացության մեջ ասվում է՝ հասկացությունները, կատեգորիաները իրերի պատկերներն են, բնության արտացոլման ձևերը, իմացության միջոցները. նրանք ունեն իրենց պատմությունը, որի ընթացքում էլ հարստացել են. նրանց պատմությունն արտացոլվող օբյեկտի և մարդու պրակտիկայի պատմությունն է: Ըստ հեղինակի զրանով էլ բացատրվում է հասկացությունների ճկունությունը: Այստեղ հարկ էր ավելացնել, որ կատեգորիաներն ու հասկացությունները փոխակերպվում, կոնկրետանում են հասարակական պրակտիկայի զարգացման հիմքի վրա, իմացության զարգացման պատմության ընթացքում:

Չորեքուկ Բաժինը հարուստ նյութ է տալիս նյութական աշխարհի զարգացման օրինաչափությունների և դրանց ճանաչելիության մասին: Աշխարհի և նրա օրինաչափությունների ճանաչելիության սկզբունքի դիալեկտիկա-մատերիալիստական մեկնաբանման խորը գիտական նշանակությունն ընդգծելու նրա պատակով, հեղինակը նախամարքսյան մատերիալիստներից (Սպինոզա, Դիդրո, Ֆոյերբախ և ուրիշ.) բերում է համապատասխան տվյալներ, որոնք ցուցադրում են մատնանշված սկզբունքի զարգացման պատմությունը, պատմական հաջորդականությունը, քննադատում է օբյեկտիվ իրականության օրինաչափությունների իդեալիստական, ագնոստիկական ժխտումը կամ դրանց հանգեցումը աստվածաբանությանը: Միջուկային ֆիզիկայի բնադավառից բերված փաստերից հեղինակը եզրակացություն է անում բնության ճանաչման օբյեկտիվության և անվերջության մասին: Հեղինակն այս բաժնում բավականաչափ ուշադրություն է նվիրում ժամանակակից ռեզիդուալի քննադատությանը: Այս կապակցությամբ նա մերկացնում է իրենց զարգացման տվյալ, էտապում դտնվող տարրեր երկրների պայմանների սպեցիֆիկության բացարձակացման հակամարքսիստական, հակալենինյան բնույթը, միաժամանակ պաշտպանելով այն ընդհանուրը, որի պահպանումը պարտադիր է յուրաքանչյուր երկրի համար. հաշվի առնելով նրա սպեցիֆիկ պայմանները: Բաժինն ավարտվում է նրանով, որ հեղինակը խոսում է հասարակական կյանքի զարգացման օրինաչափությունների մարքս-լենինյան ըմբռնման նշանակության մասին՝ կյանքը վերափոխելու համար:

Հինգերորդ բաժնում հեղինակը շարադրում է մարքս-լենինյան ուսմունքը ճշմարտության մասին: Այստեղ ճիշտ է լուսարանվում օբյեկտիվ ճշմարտության նշանակությունը դիալեկտիկական մատերիալիզմի արտացոլման տեսության մեջ, ինչպես և բացարձակ ու հարաբերական ճշմարտության հարաբերակցության հարցը: «Եթե ընդունվում է ճշմարտության օբյեկտիվությունը, առարկայական բնույթը, — ասում է հեղինակը, — հետևողական լինելու դեպքում չի կարելի չընդունել բացարձակ ճշմարտությունը» (էջ 154): Այս առնչությամբ նա փոխոստաներին բաժանում է երկու մասի: Մի մասը նրանք են, ովքեր գտնում են, որ բացարձակ ճշմարտությունը հասանելի է միանգամից: Մյուս մասը «մերկ» ռելյատիվիստներն են: Քննադատում է թե՛ առաջիններին, թե՛ երկրորդներին: Մասնավորապես նա քննադատում է մաթիստ Բոգդանովին, որը ժխտում է օբյեկտիվ ճշմարտությունը: Ցույց տալով օբյեկտիվ, բացարձակ և հարաբերական ճշմարտության հարաբերակցության լենինյան լուծումը, հեղինակը դիմում է հարցի պատմությանը, թվարկում է դանազան մեկնաբանություններ, սկսած Պլատոնից, Դեմոկրիտից, Սպինոզայից և վերջապես Ա. Ռ. Տյուրգոյով: Ընդ սմին նա ճիշտ եզրակացություն է անում. անցել են դարեր,

բայց մարդիկ ավարտուն ճշմարտություն որոնելով, միշտ մնացել են հարաբերական ճշմարտության մակարդակի վրա (տես էջ 161): Քննադատելով «մերկ» ռելյատիվիստներին, մաթիստներին, ցույց է տալիս, որ ռելյատիվիստի տեսակետից կարելի է արդարացնել ամեն մի սոֆիզմ: Այդ քննադատության մեջ հեղինակը բերում է էնդելսի կլասիկ դրույթը մարդկային իմացության սովերենության և ոչ սովերենության մասին և Վ. Ի. Լենինի դրույթն այն մասին, որ հարաբերական ճշմարտության գումարներից կազմվում է բացարձակ ճշմարտությունը: Ենթաբաժինը ավարտվում է Մարքսի այն պնդմամբ, թե և՛ հետազոտության հանրագումարը, և՛ դեպի հանրագումարը տանող ճանապարհը պետք է լինեն ճշմարիտ (տես էջ 178):

Մյուս ենթաբաժինը նվիրված է այն հարցին, որ ճշմարտությունը պրոյեկտ է: Ինչպես որ կյանքը կանգ չի առնում մի կետում, այլ միշտ զարգանում է, այդպես էլ զարգանում է ճշմարտությունը: Այդ իմաստով ճիշտ է հեղինակի պնդումը, որ յուրաքանչյուր իրի, երևույթի ինքնուրույնությունը անվերջ բազմազանության մեջ հարաբերական է: Ի հաստատումն իր մտքերի, հեղինակը բերում է էնդելսի խոսքերն այն մասին, որ բնության հավերժական օրենքները ավելի ու ավելի դառնում են պատմական օրենքներ:

Գրքում հիշատակված են նաև միջուկային ֆիզիկայի ժամանակակից մի շարք տվյալները, վկայակոչված են Վ. Ի. Լենինի մտքերն այն մասին, որ իմացությունը շունի սահմաններ, որ էլեկտրոնը անսպառելի է: Հեղինակն առանձին ջերմությամբ է խոսում Սովետական Միության մեջ գիտական մտքի զարգացման մասին, որտեղ մարդկության պատմության մեջ առաջին անգամ ստեղծվել և արձակվել են նրկրի արհեստական արբանյակներ:

Վեցերորդ բաժինը նվիրված է պրակտիկային, որպես ճշմարտության չափանիշի: Հեղինակը քննադատության է ենթարկում իմացության մեջ պրակտիկայի նշանակության ըմբռնումը մինչև արքայան Վիլհելմի կողմից, քրենադատում է մաթիզմը, մասնավորապես ռուսական մաթիստներին, օրինակ, Բոգդանովին՝ նրա «սոցիալապես կազմակերպված փորձի» կոնցեպցիան: Այնուհետև ցույց է տալիս պրակտիկայի նշանակության ըմբռնումը XIX դարի ռուսական մատերիալիստների կողմից: Այստեղ բերում է Գերցենի մտքերը փորձի և թեորիայի միասնության, ինչպես և Չերնիշևսկու մտքերը իմացության մեջ պրակտիկայի նշանակության մասին: Այնուհետև ցույց է տրվում, որ միայն մարքս-լենինյան փիլիսոփայությունն է ճիշտ զրել և լուծել պրակտիկայի և իմացության հարաբերակցության հարցը: Այդ կապակցությամբ նա քննադատում է Հեգելին, որը առաջադրում է պրակտիկայի սկզբունքը իմացության մեջ, բայց պրակտիկան արտադրությունից դուրս, պրակտիկան՝ որպես հոգևոր գործունեություն: Քննադատվում է պրագմատիզմը որպես յուրատեսակ մաթիզմ, որը շատ է խոսում պրակտիկայի մասին: Բայց պրագմատիզմի համար պրակտիկան նեղ իմաստով օգտակար գործունեություն է գործամոլի, արդյունաբերողի, բորսային գործարարի համար: Պրագմատիզմը ձգնում է ապացուցել նաև, որ ինքը զարգացնում է Ֆրանցիսկ Բեկոնի զաղափարները օգուտի և գործի մասին: Սակայն, ինչպես հեղինակը ցույց է տալիս, օգուտի և գործի բեկոնյան և պրագմատիկական ըմբռնման միջև վիճ գոյություն ունի: Եթե Բեկոնի համար օգուտն ու գործը ճշմարտության չափանիշ են, ապա պրագմատիստների համար դա պարզապես կապիտալիստի շահույթն է: Տվյալ հատվածի ենթաբաժնում հեղինակը քննության է առնում վեցերորդ բաժ-

նի մեկնակետային հարցերից մեկը: Մարքսիզմ-լենինիզմը թեորիայի զարգացումը հասկանում է միայն հասարակական պրակտիկայի հիմքի վրա, Լենինը մարքսյան թեորիան զարգացրեց՝ ընդհանրացնելով մեր դարաշրջանի ուսուցիչի պրակտիկան: Իսկ ինքը՝ պրակտիկան տապալեց բուրժուական դիտանականների բոլոր այսպես կոչված պրոգնոզները մեզ մոտ պրոլետարիատի դիկտատուրայի անկախությունից մասին: Այնուհետև խոսվում է թեորիայի ու պրակտիկայի միասնության մասին, այն մասին, որ թեորիայի ճշտությունը հաստատվում է պրակտիկայով: Դրա հետ մեկտեղ նա ընդգծում է թեորիայի նշանակությունը պրակտիկայի կազմակերպման ընթացքի համար (հակադարձ ներգործություն): Հեղինակը բերում է Լենինի 1902 թվականին արտահայտած այն դրույթը, որ Թուսաստանում երիտասարդ բանվորական շարժումը պետք է օգտագործի մյուս երկրների հարուստ փորձը: Այդ կապակցությամբ նա դիպուկ քննադատության է ենթարկում ժամանակակից ուկրաինիզմը, որը ժխտում է պրոլետարիատի դիկտատուրայի հարուստ փորձը ՍՍՌՄ-ում, սոցիալիզմի և կոմունիզմի կառուցման փորձն օգտագործելու անհրաժեշտությունը: Այստեղ հեղինակն օգտագործել է ՍՄԿՊ 20-րդ համագումարի նյութերը, մասնավորապես այն նյութերը, որոնք վերաբերում են տեսական հարցերին: Այս առումով դժբախտաբար բացակայում է պրակտիկայի չափանիշի հարցի քննությունը:

Գրքում կան թերություններ, որոնցից մի քանիսը նշվեցին վերևում: Այդ թերությունները, սակայն, չեն նվազեցնում գրքի արժեքն ու օգտակարությունը: Այդ թերությունների շարքը կարելի է դասել նաև այնպիսի կրկնություններ, որոնք անհրաժեշտ չեն պրոբլեմի վերլուծության համար (տես էջ 83, 105, 107, 110, 118 և այլն): Այնուհետև՝ ոչ լիովին ավարտված մտքեր լեզվի (տես էջ 41), հասկացությունների ճկունության (էջ 85—86), հասարակական կյանքի գիտական հասկացությունների (էջ 109) մասին, բացարձակ ճշմարտության ոչ բավարար սահմանում (էջ 182, 189) և այլն: Կա նաև անունների անճշտություն, օրինակ՝ Ն. Գ. Պոմյալովսկու մի աշխատությունը կոչվում է «Очерки бурск», մինչդեռ գրքում գրված է «Бурсаки» (էջ 127):

Ղ. Վարդապետյանի գիրքը թարմ շնչով է գրված, ունի օրիգինալություն: Հեղինակը հանդես է բերում զգալի գիտելիքներ: Ընդգծելի է գրքի նաև այն արժանիքը, որ քննարկվող հիմնական հարցերը հեղինակի կողմից ներկայացվում են ծագումնաբանական ասպեկտով, նա շարունակ մնում է պատմականության հողի վրա: Հեղինակը հաճախ պատմական էքսկուրսներ է կատարում դեպի նախամարքսյան փիլիսոփայությունը՝ ցույց տալու համար, որ մարքսիստական փիլիսոփայության գաղափարները հանդիսանում են անցյալի առաջավոր գաղափարների զարգացման օրինաչափ և բարձրագույն աստիճանը: Այդ լավ է. շարադրանքի այդպիսի ձևը աշխատությունը դերժ է պահում ձգձգումներից: Դրա հետ մեկտեղ գրքի հեղինակը պետք է հաշվի առնի նաև շարադրանքի վերահիշյալ ձևի ստվերոտ կողմը, որը, մեր կարծիքով, կարող է դրսևորել իրեն և որոշ չափով դրսևորել է նրանով, որ մարքս-լենինյան փիլիսոփայության հետազոտվող մի քանի հարցերը վերլուծվել են ոչ բավարար խորությամբ:

Ղ. Վարդապետյանի գիրքը օգտակար ու անհրաժեշտ է մեր ինտելիգենցիայի և բուհերի ունկնդիրների, մարքսիզմ-լենինիզմի բոլոր պրոպագանդիստների համար:

Գ. Վարդանյան